



Discjockey di Tattoo deteni pa caso di Natalee



For di e cas aki na Kas Ariba, a detene e hoben Steve Gregory Croes.



Potret recién saca di Steve Gregory Croes riba Tattoo.

ORANJESTAD (AAN): Diabierna mainta autoridad local a actua y a detene un persona mas na Aruba, relaciona cu e desaparicion di e estudiante Natalee Holloway for di Merca.

Tabata alrededor di 6:30'or di mainta cu autoridad a detene e hoben aki na su adres na Kas Ariba. Aunke Ministerio Publico a djis revela su inicial S.G.C. y su

Detencionnan prolonga

ORANJESTAD(AAN)— Huez Comisario Mr. Bob Wit ayera anochi a prolonga detencion di e 3 hobennan deteni relaciona cu e desaparicion di Natalee Holloway. For di mainta te 9.30 or ayera anochi interrogacionnan a tuma lugar y segun e huez, e ta suficiente convenci cu mester prolonga e detencionnan.

Tambe tabata tin informacion ayera cu tata di e hoben hulandes Joran v.d. Sloot tambe no a haya permiso pa por bishita su yiu manera el a existi. Tabata tin un interrogacion mas cu a tuma lugar ayera tardi di otro persona, pero no cu a detene un di 5 persona manera rumoan tabata indica.

fecha di nacemento di 21 Juli 1978, tog algun rato despues su number completo a worde poni riba Internet como Steve Gregory Croes, conoci como e DJ abordo di e boto di fiesta, Tattoo. Riba internet e ta worde describi tambe como “e chofer mas loco”.

Informenan den prensa ta muestra cu Steve a worde yama Diahuebs anochi y el a bay Warda di Recherche voluntariamente pa duna un declaracion. Esey segun su doño di trabao Marcus Wiggins a declara na periodistanan.

Wiggins a agrega, cu nunca e tabatin problema cu Steve, y a muestra cu e ta presenta tur dia na trabao y ta eherce su labor.

Informe ta muestra, cu Steve ta admiti cu e conoce un di e dos rumannan Surinameño, kende ta deteni den e caso, pasobra nan ta bishita e mesun Internet Café.

Na Associated Press, e mama Beth Holloway Twitty a declara cu e ta ‘familiar’ cu e ultimo persona cu a worde deteni, y a agrega cu e ta kere cu mas hende lo bay worde aresta. “Esaki ta djis e comienzo,” el a bisa, sin cu el a elabora kico e ta referi na dje.

Reportero di CNN a entrevista un omo di Steve, esta Rufo Solognier kende ta biba banda di dje. El a bisa cu Steve ta un persona keto, divorcia y tin un yiu homber di 2 aña di edad. Ta conoci cu Diadomingo anochi Tattoo no ta bay riba un trip, y si acaso e boto haci esey tog, ya pa mey-anochi e ta regresa y mara na su boei net pabao di Palm Beach.

Comisario Jan van der Straten a bisa cu e aresto riba Steve Croes a socede, despues cu un di e tres sospechosonan deteni a basha abao riba dje.

DIARIO di otro fuente a haya sa, cu e sospechosonan ta purba di pone cu Steve a topa cu Natalee despues cu el a caba di toca riba Tattoo, y cu el a yega na e pier cu ta den e area ey. Informe ta

muestra cu kizas Steve a enamora di e mucha muher aki, y hasta a bay asina leu, cu ta insisti cu kizas Steve tin Natalee wanta, of por lo menos e por sa unda Natalee tey aworaki, y cu esey ta socede debi cu “Natalee tin friccion den su relacion cu su mama Beth”.

Autoridad atrobe no a confirma ni desmenti e storia aki pa DIARIO.

Abogado Carlo:

Joran van der Sloot ta mantene cu e ta inocente



Abogado mr. Carlo rondona pa prensa internacional.

ORANJESTAD(AAN):

Diabierna for di mainta trempan e sospechosonan den e caso di Natalee Holloway a presenta na corte, unda cu huez Bob Wit a bin for di Curaçao, pa haci pregunta na Deepak, Satish y Yoran, pa wak si nan detencion lo worde prolonga.

Durante cu prensa local y internacional tabata warda riba resultado di e caso, abogado Carlo kende ta representa Joran van der Sloot a sali for di edificio di corte, despues cu el a termina cu un otro caso cu e tabata tratando.

Prensa a puntra con ta para cu e supuesto problema cu tabata tin, unda cu fiscal a pidi pa kita Carlo for di e caso.

E abogado a splica cu tabata tin un problema chikito, sinembargo esaki a wordeo solucionado y e ta ainda un di e abogadonan di Joran.

El a splica tambe cu e team di abogado di Joran a bira mas grandi, unda cu abogado Arjan de Bie ta riba e caso tambe.

Esaki pa motibo cu e trabao cu mester worde haci ta grandi, mirando cu nan tin otro casonan tambe pa atende.

Carlo a confirma e echo cu tata di Joran a haya permiso pa wak su yiu y cu esaki a sosode caba tambe.

Carlo a splica cu despues cu e dos dianan di in verzekering stelling a worde prolonga cu 8 dia, Diadomingo awor e prolongacion lo expira.

Fiscal a pidi pues awor un “bevel bewaring”, unda cu lo drenta e asina yama “voorlopige hechtenis”, unda cu si esaki worde dicidi, su cliente lo worde transporta pa KIA, despues cu e 10 dianan di detencion preventivo a pasa, cu ta bay ta Diadomingo proximo.

Pues chens ta pues cu sea Diadomingo of Dialuna e lo worde hiba KIA, si su detencion worde prolonga.

Prensa a puntra Carlo si su cliente ta papiando y y si e ta para ariba cu e ta inocente.

E abogado a confirma esaki.